

片帆悉睹非但一邑之外衛寔郡城之犄角此七者水路之要也故吳江者雖無極險之名而有極險之實前此於越入吳一從越來溪卽石湖之南也一從笠澤卽吳淞之口也吳越建國乃轉戰之場南宋遷都爲畿輔重鎮雖旁蹊曲徑不能盡述而經途要道不踰於此矣

按震澤鎮及爛溪簡村今分屬震澤縣吳江縣險要之處計陸路二水路五云
以上險要

卷之二

疆土二

山水

吳江縣之山水其見於有明舊志者不過略存名跡其間遠近不準去來不清原委莫辨大抵得之傳聞取之載籍並未身履其地而考其真也惟徐志獨精且詳因沈副使啓邃於水學專任其事故其說俱足不刊而次第來水去水尤悉有條貫雍正四年分東西偏爲二縣西爲來水多屬震澤東爲去水多屬吳江今水道

吳江縣志

卷二 山水

七

雖略有變易而名跡猶多可稽若必紛更以示異則覽者反難考核然僅如屈志之徑錄舊文而移徙通塞俱置不問則又矢志水之義爰取徐志舊文并沈副使吳江水考而參取焉其移徙通塞則詳加考核間有謬誤遺失亦略爲補正庶今昔一貫利害顯然俾究心水道者有可據云

陸墓山去縣治西北二十里爲吳縣橫山中條南支北有陳侍郎陸雲公墓故名

三面環山惟東南臨太湖拱吳江縣治屬一都四圖凡一百二十畝有奇 按一百二十畝指山之廣袤言若山下所屬地

甚吳山稱吳山鬚 按吳山甚大其屬於吳江者惟此一隅故稱鬚也去縣治西北二十里由橫山東嶺迤邐而

南將盡入界復開障面東南亦臨太湖拱縣治屬一都四圖凡一百八十畝有奇 按此亦指山之廣袤言

以上山

太湖在縣治之西而繞其北其近者去縣治二里許跨蘇常湖三郡按舊志並云跨蘇常宣湖

四郡其實宣不瀆太湖也誤其廣三萬六千頃其周五百里東西三百餘里南一百二十餘里又名曰震澤曰

具區曰五湖北有百瀆南有諸瀆諸瀆皆注於茲東南之澤此爲最大

王鑿曰吳郡之西南有巨浸焉廣三萬六千頃中有山七十二襟帶三州東南諸水皆歸焉其最大者二一自寧國建康等處入溧陽迤邐至長塘湖并潤州金壇延陵丹陽諸水會於宜興以入徐志云今寧國建康之水不由此矣一自宣歙天目諸山下杭之臨安餘杭湖之安吉武康長興以入而皆由吳江分流以入海一名震澤書所謂震澤底定是也一名具區周禮職方揚州之藪曰具區山海經浮玉之山北望具區是也一名笠澤左傳越伐吳吳子禦之笠澤是也按笠澤乃松江非太湖辨見松江條一名五湖范蠡乘舟出五湖口太史公登姑蘇臺望五湖是也五湖者張勃吳錄云周行五百里故云虞仲翔云太湖東通長洲松江南通烏程霅溪西通義興荆溪北通晉陵滂湖東連嘉興韭溪凡五道故名陸魯望云太湖上稟咸池五車之氣故一水五名然今湖中亦自有五湖莫釐之東周三十餘里曰菱湖西北周五十里曰莫湖長山之東周五十里曰游湖沿無錫老岸周一百九十里曰貢湖胥山之西南周六十里曰胥湖五湖之外又有三小湖夫差山東

吳江縣志

卷二 山水

八

曰梅梁湖杜圻之西魚查之東曰金鼎湖林屋之東曰東臯里湖而吳人稱謂則惟曰太湖云

沈啓曰太湖之源由西天目天目有二西者入太湖東者分入鷺脰湖分而爲二一散入固城湖固城

在高淳縣境合金陵常潤之水爲百瀆荆溪一從獨山至狄浦納宣歙臨安之水合

苕霅梅溪俱入太湖唐宋以來水患多而難治未爲之分殺也國朝修漢故事築五堰於溧陽以節金陵宣歙之水盡由分水銀林二堰趨蕪湖達大江是太湖承受之水已殺其大半矣

按今吳江爲邑在太湖之東北三江之西南太湖之水至此而終三江之水自此而始東江在邑之南婁江在邑之北松江最大而邑正當其衝故吳江者乃全湖之下流也然吳江之患不患乎來水之多而患乎去水之少夫百川萬壑必有所歸太湖橫亘五百餘里天之生是爲水歸也即使五堰不築而金陵宣歙之水仍入太湖在太湖不過多十之一二耳使下流洩水之處寬其十之一

二則水何患乎其多若上流雖節其十之一二而下流反塞其十之四五則來者少而去者更少水仍日見其盈矣更益以積雨連旬狂風驟發其不浸廬舍沒田疇也幾希矣故論太湖者以疏下流爲急塞上源爲緩也然則五堰之築可廢乎是又不然當唐宋以前吳江之塘未築則水口甚廣而青浦上海常熟嘉定諸出海之處侵占尙少沙泥蘆葦亦不若今日之多則水之奔注入海猶速今洩水之處在在有礙而來水之處毫無所減則湖有不能容納之患矣况五堰以西之水從蕪湖出大江近從宜興出太湖遠又大江深濶而直達海甚易太湖之三江淺狹而迂至海甚難大江得五堰以西之水不覺其多太湖納五堰所蓄之水已覺其橫故曰五堰仍不可廢也

爛溪去縣治西南四十里

按爛溪口去縣治實五十里

南受嘉興崇德桐鄉石門諸水

源出東天目經

臨安杭州合西湖水而來按爛溪之水從杭嘉來者十之七從湖州來者十之三不得獨遺湖州也

由烏鎮分爲東溪西溪數里

復合而東北流至斜港口入吳江縣界合震澤縣之倒闕口大瓊蕩戚家湖并寫

吳江縣志

卷二 山水

九

蕩之水同入鶯脰湖

按爛溪之長七十二里斜港北至鶯湖長三十里並與震澤合界斜港南至烏鎮四十餘里則震澤與秀水合界也

其

溪東之下流分布爲方蕩郎中蕩盛澤蕩白馬寺後蕩下沙蕩清水廟蕩南涇蕩

三陳灣莊灣蕩計家蕩北角蕩車溪又其東爲睡龍灣黃家溪穆和溪諸水及三

家烏鵲破鑼白龍白洋南龔急水溪楊橋安德龍陳林西青龍南蕭謝天鉢頭殺

人盛家東溪莊橋諸港東出運河

按運河自王江涇至平望三十里其洩水入運河之處卽王江涇土塘條下所載東入官河諸

港是也今橋竇或圯或淤西南之水嘗壅於塘西談水利者宜留意焉

其運河之東分布於合路黎涇等港以入於

汾湖三泖

鶯脰湖

盧志云舊以湖形似鶯脰故名或訛爲鶯鬪其義無取

去縣治南四十里枕平望鎮

屬二十四都按此湖去縣治

寔四十七里與震澤縣分轄爲運河之上流平波臺之東南屬吳江其西北則屬震澤

分納荻塘全納爛車黃穆急五溪之

水瀦而爲湖東西適均吞吐樞要太湖之亞也

按此語太過此湖周圍數里爲荻塘及爛溪諸水出運河之巨壑要

道較太湖不知其小幾十倍也

其爲泄水者凡五北曰泄水

按此橋極小

曰太通二橋俱北馳爲後溪

爲溝瀆西分韭溪出太湖

按韭溪在鶯湖之西北二十里水至鶯湖則東入運河不復北至韭溪出太湖也

東分出唐家

湖按唐家湖在鶯湖北七里今分屬震澤縣惟山水大發則鶯水亦有溢入唐湖者 鶯脰東曰百星曰下湖曰安德三橋

俱出運河東流為雪湖

王一作黃 江涇土塘去縣治八十里按後土塘河下云王江涇北至平望三十三里合之平望至縣治四十七里適得八十里之數

此乃吳江極南之境也 界吳江秀水之間西受聞店橋麻溪按麻溪之水始於南麻漾迤邐而東入於爛溪皆震澤所轄其

穿爛溪而東至王江涇之聞店橋水清而急皆為麻南受嘉興運河水北至合路

稍西迤邐至下湖橋復北流而抵平望其三十里間受西水者凡十日楊橋港

日排涇港一名七里港 日雙里港日積善橋港即三陳灣水 日上匯橋港日無名橋港日三

里橋河日南六里港日百星橋港日安德橋河俱西入官河為前溪按官河塘河也塘河之水

皆自西來則當云東入官河西字誤 觀下文指對塘之岸為東岸尤明 北流至勝墩其東岸自合溪而北一黎涇二

三里小河三曹龍涇俱東流入陸家蕩與秀水分屬 四翁家港五翁思路六石灰窑港

七石灰橋港八興平橋港俱東流為雪湖按以上諸港東北流者入雪湖其正東流者支派尚多皆東入汾湖不必由雪

吳江縣志

卷二 山水

雪湖去縣治東南三十七里屬二十三都東 按雪湖在平望之東去縣治約四十七里 東流瀦為楊家蕩凡

十里許為黎川 黎川即黎里市湖有鎮 東流三里許為覽橋蕩又東經徐洪港為

水瓜漾市河內有施家浜花園港劉家池秦家浜秦家灣傅浜并鬼頭潭在焉吳

越兵首級埋於此故名 其南有滉潭浜禦兒混越伐吳禦於此 道院浜焦牙兜吳家洋俱二十 楊

家蕩南支東流與陸家蕩會南受秀水水人謂陸龜蒙別業 北折為鴨欄涇謂龜蒙養鴨處 為月灣漾東

南與水月漾會南受秀水嘉善水 經北斗港東陵港與覽橋蕩水合南與破鑼漾南受嘉善水

水會俱入木瓜漾內有西陵港蕭家浜大洛港屬二十都東 楊家蕩北流為楔袴按

志作契跨 湖為蜘蛛潭為後長蕩為潘家漾元潘學士居此故名 為大平蕩小平蕩亦與覽橋蕩

合內有包家池 其潘家漾北為將軍蕩為莊前蕩為前村蕩為烏龜漾北為五

架蕩為笑面湖南為杜公漾為大月蕩楊蘇蕩一名楊舒一名楊師 為西忙蕩亦入木瓜漾

東北流 其南破鑼漾水經五舍北洋二港亦來會同瀦為汾湖按汾湖為江浙眾水之會周三

十里凡以上諸港接王江涇以北至鶯脰湖諸水之東流者雖四散分投而其總匯則皆以汾湖為歸也

汾舊作湖去縣治東南六十里屬二十八都與嘉興分屬陶振云湖兩界中分南

屬分其南支東折為蔣家蕩為大渠為東古蕩為官場灘為冰印蕩為白渠兜為雙

兜為蕭湖為洪蕩為骷髏漾為西天荒為東天荒為雪落漾為油車輾東出華亭

縣金澤三泖湖 其北支為連蕩為石底蕩為天荒蕩為茶澤蕩為萼菜蕩過蘆

墟為東古塘十五里播為顧家草為劉家漾為徐家渠寫歇梁為楊沙坑為陳思

港旁有陳思村內有殷家潭穿心站船浜浜以站名聞故老云東數里為松江金澤寺在元親王為僧封尉貢問驛站不絕故名

北有九曲港南有曲尺港東有張金港吳江路灣轉路夾港 又東瀦為白蕩灣

為朱長蕩為蕭田街出三泖 內有張橋河金涇溪徐橋港尤家港北洋港大港

屬二十八都鞋皮漾田蠶蕩府字港蔣家港茶澤港小油車碾港大塔港趙田港南傳

港南莘塔北莘塔莘舊俱作孫八埠港槐字港兵字港賣鹽港徐婆港屬二十九都

莊一作章練塘去縣治東南八十里屬二十九都按此為吳江極東之境接華亭界今按其東北隅屬青浦縣內

西受南陽港葉舍蕩水華亭界東流入三泖湖 其南為長浜嘉善界北為葫蘆兜華亭

吳江縣志 卷二 山水

界內有周涇港葉舍港

唐家湖去縣治南三十四里嘉靖三十四年海寇南來犯縣議者斷其塘橫運河而壩之以營水寨殲賊於此皆稱天險三吳所恃以

為命也事平之後仍復疏通 西連勝墩湖舊名盛墩因禦倭之捷遂易今名及夾馬路俱太湖下流 其南受太湖水

按太湖在西不在南也以洩於此凡八港曰直港曰烏橋一名黑橋曰楊家田曰黃沙一名棟樹曰上

橫一名失田曰新涇曰後浜曰孫田吳中水皆北流惟此八港水皆南流蓋太湖下流甘泉等處壅塞則水漫波溢惟隙是求唐湖之東

諸蕩駢集宜其舍彼而就此也 按八港之水並非因甘泉等塞而盡由唐家湖

出運河者蓋唐湖界於湖水山水之交杭湖之山水盛則水從西南而來皆山泉

也太湖之水盛則水從西北而來皆湖水也故此湖之水無風而水平之時則南

半湖水清北半湖水濁清者山泉濁者湖流水之勢本如此但甘泉等處壅塞則

水之來更加於前耳又西南祥鷄蕩水亦來會乃東從石塘洪水橋而洩按洪水橋徐志云今圯則當時已無

此橋今皆從農腰為竇凡十二今存九竇俱出運河按唐家湖屬震澤出運河而東則屬吳江今錄於此者其源不可不

明也 北流與農腰水合北行至八斥一作尺運河東洩為港凡六曰馬家曰柳字曰為字曰農腰曰黃家曰六里同瀦而為八里漾又瀦為張王蕩分播為奉先蕩即周仙蕩師娘蕩東為畏巨蕩為盤佗蕩為西陽蕩東陽蕩為西跳板漾為荷花蕩為東跳

板漾為康家漾為小月蕩為西黎一作漾為雙絲蕩為濮家蕩為野鴨灘為李公

漾為姚蕩為謝澤湖為萼菜兜北瀕為三白蕩披三白蕩在唐湖之正東非北也其跳板漾東

北為徐家漾為胡家蕩為湯家漾為徐王蕩為後長蕩一名東跳板漾為墳前蕩為邵婆

潭為木菴蕩為三角蕩過梅墩 梅墩港屬一十都北分為元鶴蕩一名倒鶴東分為草

蕩為顧家潭亦與三白蕩水會 三白蕩東北流為江家灣為南莊蕩為涼傘蕩

過南周莊港有村為東西龍涇為龍眼蕩為宗家蕩又東為元蕩周可二十里按三白蕩亦汾湖以

北之大水會也三白蕩在南新河在北而牛場涇塘斜貫於中其長二十餘里徹浦以南唐家湖以北東向之下流無不經此皆東江之支脉也 為楊扇

蕩入松江華亭界 內有糊塗蕩豆腐蕩八門蕩轉船池有周莊又有青石莊西浦

賣香牌田南尤北印仲家灣木菴楊莧諸港屬三都東與二十八都

翁涇漾去縣治南二十三里為橋一為竇十九按翁涇漾去八斥五里今計八斥去縣治二十四里則翁涇漾去縣治二十九里矣

又按今存 西受太湖來水凡三日錢家港曰牛尾涇曰巴涇與八斥大浦橋港水

同出運河大浦橋港西風湖漲極為險惡蓋下流甘泉塞也按大浦港之險非由於甘泉之塞也大浦之西正直太湖下流之浪打穿止三四里而至

吳江縣志 卷二 山水 十一

大浦橋橋之南曰爛泥淤污泥無底乃古東江之口太湖東流之水先從此洩再東北而後為吳淞之口此乃湖流西來之第一關也但甘泉塞而此流更大耳今

則浪打穿之外皆為平田雖有狂風而橋下之水全無 合而東播為謝家漾車軌險惡之患矣 按運河以上屬震澤出運河則屬吳江

漾為泥潭蕩又東為六百畝蕩一名三百畝蕩為女兒蕩為廊廟蕩一名蜂廟蕩為槐婆潭為

李婆潭為桂枝蕩為南戴蕩為昞開蕩為東長蕩為蚌壳蕩一名蚌壳俱合為長白蕩

按此為東長白蕩與元鶴蕩水會為楊墳蕩一名墳為孫家蕩為江澤蕩為楊盧蕩東經義

家路亦出元蕩 其北為楊家蕩為白蜆江東為急水港出松江澱山湖按翁涇漾之水

至長白蕩元蕩乃其正東之路至白蜆澱山等湖則又在北乃受葉澤同里等湖之水與翁涇漾不相及也 勝墩運河北至白龍橋

其東洩之港凡十一日何家曰廟涇水勢最險按今亦僅存小港矣日賣魚日壇角日翁家日

南何曰北何曰長浜曰和尚曰千步涇日翁涇屬三都東其東北有直路九曲急水

王家南石橋北石橋袁家菜園莊嵩北政鍾家錫作箍桶大齊石鐵黑龍田長巨

官田唐家飯蘿永福寺施家諸港俱屬三都東

有牛場涇任家灣徐家灣西潘江澤墩頭盧里沈舍蛇塚東勝太平萬家北朱東

長翁家梅家戴家八十畝涇塘沈張頭溪西雲屬二十北周莊等港屬二十

白龍橋港一名水濠去縣治南十二里按白龍橋去縣治寔十五里由東水路沈家港西洩太湖牛

茅墩之水牛茅墩在簡村東即東湖是也今漲為田無遺水矣東經運河瀦為殷家蕩為張清蕩又東為清

水術為杓頭潭東與龍拖路水會北為葉澤湖又北為南新湖東為來柳蕩為周

莊為羊沙蕩東北入白蜆江

徹浦橋港去縣治南九里按石塘盡於徹浦之北三里石塘之長寔九里則徹浦去縣治寔十二里北至南津口皆石

塘為竇凡一百三十六多有塞者按今存竇四十三為橋凡九舊志所謂橫湖心而為塘者是也一曰徹浦橋

二曰龔家橋俱西洩東湖水東過運河為十字港為尙湖甚小而深按今則更小而淺不成湖矣又

東入葉澤湖三日通津橋四曰甘泉橋一名七洪橋橋外極深者有龍窟焉波流湍汛舟過必禱於龍神今上下淤沙日漲

為田湖水南泛險移於八斥之大浦橋矣五日三山橋俗呼四六曰定海橋俗呼七洪橋按此橋七已淺狹改作五洪不知橋洪斷不可

改一改則其港之舊跡永不復矣七日萬頃橋俗呼六洪橋即龐山灣塘折而西北八曰

仙槎橋俗呼四九曰三江橋蓋三江口也按今尚有觀瀾橋惠政橋廟涇橋其港皆濶大并九橋共有十二橋而三橋之建又皆元

吳江縣志 卷二 山水 十三

泰定至正間不知何以失載此皆水利要道不可遺也自通津以下六橋同洩太湖之水東流各有港東瀦

而為龐山湖內萬頃橋東流一支入龐山湖一為方尖港入葉澤湖西有觀瀾港

有舖在醋坊橋北受南湖水北經太湖廟下入龐山湖廟架於水上今塞按前既失載

橋之港則此水必從觀橋出塘不復北流若此觀瀾港本在觀瀾橋之北則此

水亦必合三江橋之水以出運河不得越三江而獨走太湖廟下也未知何故又

按太湖廟今亦毀其神移祀在垂虹亭之南長橋之側

按自爛溪至此皆在縣治之西南及東南者

沈啓曰按昔人築塘湖心之說則無塘之前二湖合一有塘之後風隱水漫上

下皆淤為蕩為田湖始分矣如龐山塊土四面皆湖因其土高遂呼為山意宋

元以來浚掘淤沙堆以成阜云

松江一名吳江一名吳淞江史志云自元置松江府吳淞之名獨著不復稱松江矣禹貢三江之一按以松江當三江之一其說最古又正當

太湖下流出海之衝似屬可從至後儒并指吳江竟內之東江婁江以足禹貢三

江之數而東江又未明指其地則無足徵矣邑人徐養浩辨之最詳今附錄焉其

說曰三江之名始於禹貢自漢以來說各不同以南江在吳縣東南入海北江在

毗陵東北入海中江在蕪湖西南至陽羨入海者班固之說也以吳淞江錢塘江

浦陽江為三江者韋昭之說也以岷江松江浙江為三江者郭景純之說也以大江
左合漢水為北江右會彭蠡為南江岷江居中為中江者蘇子瞻本鄭康成之說也
以上不專指太湖之下流為言惟水經注云松江上承太湖東逕笠澤流七十里江
水奇分謂之三江口吳越春秋稱范蠡去越乘舟出三江之口入五湖之中此亦別
為三江五湖又引庾仲初吳都賦注云今太湖東注為松江下七十里有水口分流
東北入海為婁江東南入海為東江此則專以太湖下流為三江矣然猶未及詳言
其處也張守節史記正義云三江在蘇州東南三十里名三江口一江西南上七十
里至太湖曰松江古笠澤江一江東南上七十里至白蠟湖曰上江亦曰東江一江
東北下三百餘里入海曰下江亦曰婁江其分處號三江口此則各詳其處矣顧如
其說似三江俱歸婁江入海松江與東江皆婁江之上流俱無出海之路而婁江出
海之處又無明文且又不與太湖相接其云東江上至白蠟湖白蠟之去大湖尚遠
皆非的論若吳都賦注雖云東江亦入海然以東江為松江下流之一而東江之口
接松江不接太湖亦不足據至朱長文吳郡續圖經云崑山塘自郡城婁門至崑
山入海即婁江而婁江之本未始著惟東江從未有寔指其原委者蓋皆未身履
其地而考其實者也今按三江之源皆承接太湖支流各別有歷歷可指者其正
東之幹流為松江從東湖入吳家港過長橋穿運河而東進浮玉洲橋入龐山湖
東北流入大斜港合瓜涇港西來之水入今元和縣界轉入崑山縣界至上海縣
吳淞江入海今長橋之口稍淤湖水乃直向東進瓜涇港出夾浦橋之北過運河
東流與龐山湖南來之水合而東流以入於海其太湖東北之分流者為婁江從
鮎魚口入鱸塘折而東至澹臺湖出寶帶橋入運河復折而北繞郡城至婁門折
而東從至和塘至太倉之劉河入海又一支從鱸塘過五龍橋至盤門復折而東
至葑門與澹臺湖南來之水合而東北入海其太湖東南之分流者為東江從牛
茅墩東南出唐家湖越運河而東為蕩以百計又南合湖州嘉興全郡之水奔流
東注并於澱山三泖等湖而入於黃浦以出海今尚有東江出海故道在華亭境

吳江縣志

卷二 山水

之南可考也今東江口因築海塘而絕黃浦之水亦并於吳淞江口出海矣此則
上承太湖下通巨海與松婁二江雖有相通之處而寔各自為道雖其受水之處
橫亘百餘里淵源不一散而無統非若松婁之江有經流之可指然至黃浦出海
之處則歸併一途况其水勢浩瀚不但遠勝婁江亦大於松江一倍其經流出海
之地又在松江之東真可當東江之名矣抑今日松江之中包舉新洋慢水青龍
因淤淺壅塞之後後人開濬築堤指為江路其寔松江之中包舉新洋慢水青龍
等江迂迴通貫而婁江之旁沙湖陽城昆承等湖皆相吐納亦非可指今日一線
之江身為即當日松婁之形僅如此也總之三江皆太湖之下流各有承受太湖
之處以為首各有疏洩入海之處以為尾而其中之往來灌注又無所不通如此
則三江之名正而實著矣此皆太湖下流皆始於吳江境內正水經注所云別為
三江不與古同者也若禹貢之三江則俟邃於古地理之學者論定焉今按續
圖經謂婁江自郡城婁門至崑山入海者蓋崑山分縣為嘉定今婁江出海之處
曰劉家河乃在太倉之南嘉定之北疑即指此也又按大斜港舊無其名即龐山
湖接吳淞江之口也向時本極深濶緣兩岸豪民以茭蘆填占僅存一港以其斜
向東北故名為大斜港耳今又日侵月削將來并此
港亦不能通水而龐山與吳淞竟無連屬之形矣

亦稱笠澤

說見沿革篇

枕縣治之

東門西南受太湖之水長橋當其交水從橋下東北流過釣雪灘橫絕運河北過
顧野王祠與龐山湖合而東北流

長橋之東北有渚曰葉家滙又名蕩上沿城二里許本太湖松江吞吐之咽喉今居民以千計

雖難議開但須節制無令日填月築使江口全塞此水利之一大關也按蕩上
之淤塞江口當時已然今則尤甚而蕩上之東南所謂愛遺亭者當時僅水中一
浮墩耳今則為姦民日日填占竟成陸地數頃正當長橋之衝此乃咽喉之
中道然莫有過而問焉者顯而易見之害尚不遑及而高談經濟抑獨何也

內

有東城河葉家滙界在江心分有此河按北過大通橋東折過廣運橋按此即漕之前

河也倉至顧野王祠又本河中分蕩上小港亦來合按蕩上小港即斜板橋出運河之路也上二港皆穿運河入浮

玉洲橋同入龐山湖城中河西受南湖按南湖水從七里牛腰并東塘西濠二港

水入西門北受太湖并七里港水入北門而會於永定橋按從西門至永定橋其

定橋以至北門全屬震澤其東洩之道三一日前河二日中河按此二河三日後河按此河即

北半河屬震澤南半河屬吳江後河詳震澤志前河由西門內南分過新橋至西寺前東折經縣

治過仙里橋出東水門中河由利民橋東流過六子等橋出小東門與後河水會

於城外濠河

龐山湖去縣治東三里源出太湖西從甘泉橋經運河而注於此即吳淞江東匯

也瀆湖有龐山村因名此從史志補入按龐山湖乃吳淞之始也自七里港以

之大南北二十里東西五六里北半湖之水俱入吳淞南半湖之水則從同里之

東分注於澱山等湖蓋洩太湖下流之最要處也今皆為愚民所占以致水口日

隘將成平陸留心水利者能勿令日侵月削則勝於開濬他河矣江與龐山湖之東洩者凡六港曰樊家港曰牽

吳江縣志

卷二山水

橋港曰紅廟港曰謝僚港俱東流曰塔庵港東為同川其西南方尖水從小葉港

來與樊家等四港水俱會於東柵曰宋墓港北入九里湖

同川即同里一名富士去縣治東十里有市鎮其東行之市河凡三如川字故名合東柵諸港

之水瀦為新湖其北行者受牽婆浜水為水花園其支港東北行者出九里湖北

行者出吳淞江今按鎮西有北行支港長十里俗名長繚路其出其北河分二支

北行者亦出九里湖其東自斜橋港東北流者與東柵港水合為菱湖今於為田名菱蕩田

水花園之東北與九曲港菱湖水會為同里湖一名黎湖又東為庵村湖一湖東西

分東散入蕭田等湖今屬元和縣

新湖去縣治東南二十里上承龐山湖之水下流入三白蕩此從史志補入

江東行二十里北分為小龍江東為九里湖復合而東為後村湖又與庵村湖水

合東北為搖一作姚城湖今屬元和村西上承太湖之水又東北為陳湖今屬元和

過舟直為新洋江過崑山為吳淞江內有大又錢家涇盧家港楊家漚竹

橋蕩下東港東舍港薛塔港浦塘池家港俱屬二都沈舍港庵村港沐莊港西操港

東柵港羅田港韓字港新河港王塔港葛家灣梅花灣馬家匯楊巷浜北河浜潭

子裏俱屬二都徐楊灣蕩毛塔田蕩姚路港孫家長港西步塘直港蕭莊港北尹港

直下港吳家港龍溪橋港賣鹽港張家浜五爪黑龍浜俱屬北二都

白蜆江在二十八都江澤村南接長洲縣界按今屬元和縣上承姚城江水下流入澱

山湖此從史志補入

沈啓曰按吳江惟二十八都為水窟東抵周莊西抵庵村南抵牛場涇北抵

白蜆江聞勝國時大姓堤湖為田者故小水即淹云

按自松江至此在縣治之東及東北者

七里港在縣治之西北承納太湖之水至西門外之流虹橋凡七里按今七里港之南段

從確坊橋至流虹橋屬震澤縣內西受太湖之港凡四曰牛腰涇曰烏埠曰西渠曰大姚渠其

牛腰涇又分為三一從南為北沈田港一稍南為西濠一又南為東塘港以上皆分

吳江縣志

卷一 山水

十六

屬震澤縣皆七里港之上流也其東洩入吳淞江之港凡六一為北城河東流過永濟橋即弔橋

廣運橋為南倉河一為都憲行臺前河按今名書院河東流過大有橋為北倉河一為

新港一名深港東流內有新浜浜口分折而南復東折過小橋出運河與北倉南倉

之水俱合於三里橋之南按南當作北出吳淞江其新港一支東流過運河七里橋

一名萬家橋四分為洪漕徐家茅柴無名四港出吳淞江按此四小港乃出龐山湖

淞江也一為南柳胥港內吳沙灣大姚渠水亦來合出界牌運河而北流一為北

柳胥港出柳胥舖東流按今北柳胥之口在太湖之中不納七里港之水而

西口為湖所剝港變為湖與界牌水俱入長洲運河今為元和縣運河北流夾浦橋出

吳淞江按此乃合瓜涇港入吳淞之處非長橋入吳淞處也

瓜涇港俗呼花涇去縣治北九里東過古塘入長洲縣界按今屬元和縣經運河而南由夾

浦橋東出吳淞江按此乃太湖出吳淞江正東之出路也內有姚家莊潘其王家匯三港俱附面

同行按三港王家匯最大

沈啓曰吳淞上流南漸漲而爲田去水惟瓜涇爲速故夾浦最險今夾浦之

下沙亦漸淤矣

按吳淞上流之南指吳家港至長橋及龐山湖一帶言也

鮎魚口去縣治北十八里

屬一都

南受太湖水北流匯爲鱸塘又北過五龍橋入

吳縣界盤門運河其鱸塘之東折者至分水墩爲古塘口入長洲縣

今屬元和

澹臺

湖過寶帶橋與運河合鮎魚口之東有麪杖港相附同行

其東洩入古塘之港屬長洲今屬元和

莫舍漚

一名綺川

去縣治北二十里南受太湖水北匯於楞伽山下爲石湖

半屬吳縣北

過吳縣越乘行春二橋入橫塘

俱屬吳縣

其漚之東折者爲九曲港石湖之東注者

曰邵巷港

一名邵昂相傳有石刊邵昂二大字在水中

里市港

亦屬吳縣

俱出鱸塘合焉白洋灣去縣治

西二十里

即太湖與吳縣分轄

北注越來溪溪之東曰小溪

莫志云白泥可塗壁

曰何家溪同受白

洋之水與越來溪合而北行十里許出石湖

溪之西有金裊腰渠

今淤爲田

亦受

白洋水匯於黃山之下爲黃山蕩

一名周家央蕩山下之溪名黃山蕩則屬吳江

更受吳縣管

瀆橫金二港走馬興福二塘并堯封寶華王山陸墓吳山諸澗之水東分於張墓

吳江縣志

卷二 山水

十七

陸巷二港俱洩入越來溪溪之東洩者凡四前朱村港復出太湖馬墓港姚灣港

二俱出莫舍漚

按溪水之北流者則入石湖

按自七里港至此皆在縣治之西及西北者

土塘河

一名南塘

南自王江涇北至平望三十三里

按此乃吳江南與秀水相接之水也

史鑑運河志云

吳江縣運河之源有二一從錢塘諸山發源下流爲西湖東出北關又北逾仁和

及嘉興之崇德桐鄉秀水諸縣至於王江涇而縣中運河起於此河之西爲石塘

有橋曰聞店橋內有市鎮蓋秀水吳江之民襍居焉橋之下衆水奔湊東入於河

自南徂北十里而至於市涇又八九里而至合路折而西流又一二里而至於黎

涇而四里至南六里皆有橋臨塘西南受穆溪之水而入於河溪之源又出其東

南曰睡龍灣河由六里橋而西又四五里而至於百星橋又西至於下河橋折而

北流數百步爲平望鎮云

官塘河自平望北至縣治四十里

按此當作四十七里八斤鎮居其中土人有南廿三北廿四之說謂南至平望廿三里北至縣

廿四里也 運河志云二塘之水既合按二塘土塘荻塘也北流至通安橋橋甚高大跨踞東西兩

岸水從其下過循石橋北行經長老橋又七里而至於洪水橋今又三里而至於

盛墩有橋在河西曰裊腰又六里而至於翁涇橋又四里至於八斥之塘南有橋

曰廟涇按廟涇在萬頃橋北今八斥之南有橋曰洪橋或當時名廟涇歟北有橋曰大浦按自平望至此塘獨屬震澤縣其塘河則分轄

以塘東之土田皆屬吳江也由大浦益北可十里許為白龍橋又一里為徹浦橋又一里為龔

家橋自此河折而西北流又四里即甘泉橋也又北行為三山定海萬頃仙槎四

橋河益折而西又六里而至於三江橋范蠡乘舟入三江口疑即此也蓋太湖之

水東注吳淞而入海實由於此築塘之初為竇一百六十各為引水東洩於河澇

則用平上流之勢旱則資以運舟歷歲既久濤衝水蝕竇多傾圮後人輒隨而堙

之加以沿湖之人多種芟草淤而為田而水道日微矣

附郭運河由三江橋北折一里許至唐家坊西折二里經顧野王祠南為三里橋

北塘運河自三里橋西北行七里入長洲縣界按今為元和縣界遇旱水涸從三里橋北

吳江縣志

卷二 山水

西行過大有橋又北經七里港柳胥港出古塘

沈啓云史志附近運河自三江橋分而為四其一從南關前北流入吳淞江折

而西流至三里橋按此指塘河之路其二從南津口過江南至垂虹入龐山湖為站船

路按此指從學宮前至長橋河之路其三從垂虹西流至縣城東循城址北行三里橋按此指東門外

泰安橋沿城從南倉河出三里橋之路其四從福民橋入東門逾北門而出按此指城中之河也此四河水

之志可謂詳矣而今止存其一以下三者皆塞而不通夫史之志此也在弘治

間不六十年而陵谷之變若此按今四河雖淺狹而舟楫皆通乃當時反云塞者意其後復開浚也所存之一且

又淤淺適今不治運道不知其所改矣抱國憂者盍垂念云

甘泉在石塘第四橋下去縣治南五里源出天目山流入葉澤湖水甚清冽相傳

有龍居焉唐陸羽茶經品為第四橋因得名張又新品為東南第六

按雍正六年大開塘河水涸泉出其泉正當塘河之中橋洪之外汨汨不窮旁

又有細泉三四繞之水色稍白而甘冽所謂甘泉是也若云源出天目流入葉

澤湖乃是太湖之水經過此橋之下與甘泉無涉

懷德井

按此井甚大石欄分爲三穴以取水故俗名三角井

在利民橋東北明嘉靖十一年尚書吳山鑿知

縣張明道記萬曆八年山孫承恩修刑部主事邑人馬貫記

以上水

吳江縣志

卷一

山水

十九